

欽定四庫全書

子部

普濟方卷三百七十六



南京中醫藥大學圖書館版權所有

詳校官太醫院吏目臣周世泰

編修臣倉聖脈覆勘

卷之四

普濟方卷一百七十六

周王朱櫛撰

嬰孩一切癩

總論

論曰少小所以有癩病及癰瘡者皆因臟氣不平故也

新生即癩者是其五臟不收血氣不聚五脉不流骨怯

不成也多不全育其一月四十日已上至暮歲而癩者

亦由乳養失理血氣不和風邪所中也病先身熱掣癢

驚啼叫喚而後發癇脉浮者為陽癇病在六腑外在肌膚猶易治也病先身冷不驚掣不啼呼而病發時脉沉者為陰癇病在五臟骨髓極難治也病發身軟時醒者謂之癇也身強直反張如角弓不時醒者謂之瘈也諸反張大人脊下容側手小兒容三指者不可復治也凡脉浮之與脉沉以判其病之陰陽表裏耳其浮沉復有大小滑澁虛實遲速諸證各依脉判為治神農本草經說小兒驚癇有一百二十種其證候微異於常便有是

癇候也初出時血脉不斂五臟未成稍將養失宜即為病也時不成人其經變蒸之後其餘病證並寬惟中風最暴卒也小兒四肢不好驚掣氣息小異欲作癇及變蒸者日滿不解者並宜與龍膽湯凡小兒之癇有三種有風癇有驚癇有食癇凡是先寒後熱發者皆是癇也驚癇皆按圖灸之風癇當與猪心湯食癇當下乃俞紫丸佳小兒所得風癇者緣衣暖汗出風因入也風癇者初得之時先屈指如數乃發作者此風癇也驚癇者起

於驚怖人啼乃發作者此驚癇也驚癇微者急治之勿復更驚之或自止也其先不哺乳吐而變熱後發癇者此食癇早下則瘥四味紫丸逐癖飲最良去病速而不虛人赤丸即癖結脹滿中差駝病重者當用之凡小兒不能乳哺當與紫丸下之小兒始生生氣尚盛但有微惡則須下之必無所損及其初發時病尚未深若不時下則成大疾疾成則難治矣凡下四味紫丸最善雖下不損人足以去疾若四味紫丸不得下者當以赤丸下

之赤丸不下者當倍之若已下而有餘熱不盡當按方
作龍膽湯稍服之并摩赤膏風癰亦當下之然當以猪
心湯下之驚癰但按圖灸之及摩生膏不可大下也何
者驚癰心氣不定

一作足

下之內虛益令甚爾驚癰甚者

特為難治故養小兒常慎驚勿令聞大聲抱持之間當
安徐勿令驚怖又天雷時當塞兒耳作餘細聲以亂之
也凡養小兒皆微驚以長其血脉但不欲大驚大驚乃
灸驚脉若五六十日灸者驚復更甚生百日後灸驚脉

乃善兒有熱不欲哺乳卧不安又數驚此癇之初也服紫丸使愈不愈復與之兒眠時小驚者一月輒一以紫丸下之減其盛氣令兒不病癇也兒立夏後有病治之慎勿妄灸不欲吐下但以除熱湯浴之除熱散粉之除熱赤膏摩之又以膏塗臍中令兒在涼處勿禁水漿常以新水飲之小兒衣甚薄則腹中乳食不消不消則大便皆醋臭此欲為癖之漸也便將紫丸以微消之服法先從少起常令大便稀後便漸減之不醋臭乃止藥也凡

小兒冬月下無所畏夏月下難瘥然有病者不可不下
下後腹中當小脹滿故節乳哺數日不可妄下又乳哺
小兒當令多少有常劑兒漸大當稍稍增之若減少者
此腹中已有小不調也便微服藥勿復哺之但當與乳
甚者十許日微者五六日止哺自當如常若都不肯食
哺而但欲乳者此是有癖為疾重要當下之不可不下
不下則致寒熱或吐而發癰或更致下痢此皆病重不
早下之所為也此即難治矣但先治其輕時不耗損而

病可愈凡小兒屎黃而臭者此腹中有伏熱宜微將服
龍膽湯若白而醋臭者此挾宿寒不消也當服紫丸微
者少與藥令內消甚者小增藥令小下皆復節乳哺數
日令胃氣平和若不節乳哺則病易復復下之則傷其
胃氣令復脹滿再三下之尚可過則傷矣凡小兒有癖
其脉大必發癰此為食癰下之便愈當審候掌中與三
指脉不可令起而不時下致於發癰則難療矣若早下
之此脉終不起也脉在掌中尚可早療若至指則病增

矣凡小兒腹中有疾生則身寒熱寒熱則血脉動動則心不定心不定則易驚癇發速也

候癇法

夫癇小兒之惡病也或有不及求醫而致困也然氣發於內必先有候常宜審察其精神而採其候也

手白肉魚際脉黑者是癇候魚際赤者熱脉青大者寒脉青細者為平也○鼻口乾燥大小便不利是癇候○眼不明上視喜陽是癇候○耳後完骨上有絡盛

物

黑錫丹 治癰瘤及諸瘤胞絡涎盛

黑錫

二兩同水銀半兩慢研結沙予

粉霜

鐵粉

各細研半兩

麝

香

一分細研

天南星

一兩炮取末

右同研勻滴水如黍米大每服十粒煎竹葉湯下

日應丹 治癰連年不瘥

金銀箔

各三十片

黑錫

硫黃

水銀

細研

鐵粉

各研

一兩

頭是癇候○小兒髮逆上啼笑面暗色不變是癇候
已上諸候二十餘條皆癇之初也見其候便爪其陽脉
所應灸爪之皆重手令兒驟○及足絕脉亦依方與湯
瞳子直視動轉腹滿瀉下血身熱口噤不食乳角弓反張
強汗出發熱嗜卧不悟手足掣癡喜驚凡八條癇之極
者也如有此非復湯爪所能救便當時灸之若病家始
發便來請師師可診候當審其發作次序治之以其節
度首尾取瘥也病家已經無次序不能制病病又變異

其本候後師更不知其前症虛實祇據後症求治亦不得
瘥也要須盡問察之道前師診治源流當倣其意以為
治乃無逆耳前師處湯本應數劑乃瘥而病家服一兩
劑未效便謂不驗矣已後更問他師不尋前人後人不
知次序而更為治盡反前師此治之弊也或前已下之
後又當以和平之劑接補之或有症應下而前未下者
或前治寒溫失度後人調治是為治敗病皆須的確然
後無誤不依次第及不審察必重弊也錢氏云廣親太

尉七歲潮熱數日欲愈錢謂其父三大王曰七使潮熱
將安八使預防驚搐王怒曰但使七使愈勿言八使病
錢曰八使過來日午間即無苦也次日午前果作急搐
召錢治之三日愈蓋預見其目直視而顙赤必肝心俱熱
更坐石枕子乃欲冷此熱甚也肌膚素肥盛脉又急促
故必驚搐所言午時者自寅至午皆心肝所用事時治
之瀉心肝補腎自安矣東都王氏子吐瀉諸醫用藥下
之至虛變慢驚其候睡露睛手足瘈瘲而身冷錢曰此

慢驚也與括萎湯其子胃氣實即目開而身溫王疑其子不大小便令諸醫以藥利之醫用王不留散等數服不利而身復冷令錢氏利小便錢曰不當利小便利之必身冷一二日已身冷矣因抱出錢曰不能食而胃中虛若利大小便即死久則脾腎俱虛當身冷而目閉幸胎氣實而難衰也錢用益廣散使君子丸四服令微飲食至日午果能食所以然者謂利大小便脾胃虛寒當補脾不可別攻也後又不語醫作失音治之錢曰既失音豈

開目而能飲食又牙不噤而口不緊也諸醫不能曉錢
以地黃補腎所以然者用清藥利小便致脾腎俱虛今
脾已實腎尚虛故補腎必安治之半月而能言一月而
痊也○吐虛者慢驚風瀉虛者慢脾風吐瀉虛者曰陰
癇壯熱搐掣曰陽癇慢驚風眼偏喜開慢脾風眼偏喜閉
陰癇眼半開半閉陽癇半鮮半青急驚風十生一死慢
驚風十死一生○風癇者因將養失度血氣不和或厚
衣汗出腠理開舒風邪入名之曰風癇其病在肝肝主